

Uniu dles èles

Ai 8 de otober ela indô tan inant da jí cun la uniu dles èles en pelegrinaje dal Karepass a Weissenstein. Prèibel se prenoté pro Agnes al nr. 0471 847550. Osta presenza se fajess dër plajëi.

Sac dla Caritas

Da incö inant èl sot stiga a pé de dlíja i sac dla CARITAS da podèi se tó para. La data da i de jö vëgn ciamó comunicada. Al é da mëte ite ma guant, cialzá, tasces (al é düt scrit sön i sac), mo düt nèt y intier. Giulan

Contribuc volontars

En chësta domënia do la santa messa vëgnel coiü adöm ofertes por lauré fora le local di jogh y dla schira jonila dla diozeja a Balsan. Bele danfora giulan y ldi s'al paes.

Pelegrinaje

En jöbia, ai 6 de otober vëgnel invié ia le pelegrinaje dla uniu dles porsones vëdues y sores tla basilica de Santa Maria a Absam/Tirol. An pëia ia da La Ila dales 7.30. La santa massa vëgn zelebrada da siur degan Iaco Willeit. Le prisa a portona é de 54€ por le iade, marëna y picea marëna. Prenotaziuns pro Monica Costa Clara - Tel. 0474 590069 cina ai 3 de otober.

Curs de formaziun

Curs de formaziun sura la fede "**La löm dla vita**" Pò la fede diventè la löm por ilominé nosta esistënza y nosta vita? Padre Giuseppe s'acompagnëia söl tru de nosta fede y se mostra la belëza dl Vangele de Gejù che pò trasformè la vita y la fa diventè plü bela, ligra y lominosa. L'incuntada mët man le vëndres ai 21 d'otober 2016 dales 9 ales 12 y dales 14 ales 18 y va inant la sabeda ai 22 d'otober 2016 dales 9 ales 12. L'curs vëgn stlüt jö cun la Santa Mëssa. Informaziuns y iscriziuns pro Ingrid al tel. 331/8565697.

Referat

Referat dal titol "**Educare oggi al tempo di internet**" cun Giuseppe Maiolo, psicoanalist, dozënt universitar, journalist y scritur che laora pro le Centro Il germoglio La Strada – Der Weg. Al tratará suradöt la desfida de geniturs y insegnanc da ciaré che i mituns/jogh ciafes na maniera sana da se raporté cun i media nüs. Düc, geniturs, insegnanc, mituns/jogh é dër bel inviá en mertesc 11 de otober 2016 dales 19.30 te salf di stödafüch a San Martin de Tor.



Plata dla Ploania
La Ila
Santa Maria Assunta

Ploan: siur degan Iaco Willeit
E-mail: parrocchiaivilla@rolmail.net
Siur Degan: 347 9094532

Colonia La Ila: 0471/847058
Radio de Ploania: 91.40 MhZ



VAL BADIA

www.unitepastorala.org

Ann C

02.09 - 09.10.2016

XXVII DOMÈNIA DL ANN

n. 45



Dal vangelo secondo Luca

Lc 17, 5-10

In quel tempo, gli apostoli dissero al Signore: «Accresci in noi la fede!». Il Signore rispose: «Se aveste fede quanto un granello di senape, potreste dire a questo gelso: "Sradicami e vai a piantarti nel mare", ed esso vi obbedirebbe. Chi di voi, se ha un servo ad arare o a pascolare il gregge, gli dirà, quando rientra dal campo: "Vieni subito e mettiti a tavola"? Non gli dirà piuttosto: "Prepara da mangiare, stringiti le vesti ai fianchi e sèrvimi, finché avrò mangiato e bevuto, e dopo mangerai e berrai tu"? Avrò forse gratitudine verso quel servo, perché ha eseguito gli ordini ricevuti? Così anche voi, quando avrete fatto tutto quello che vi è stato ordinato, dite: "Siamo servi inutili. Abbiamo fatto quanto dovevamo fare"».

FUNZIUNS SACRES

- 02.10.16 **XXVII DOMÈNIA DL ANN C**
8.30 vis y def. de Carlo Agreiter
def. Siur Christian Moroder
- 03.10.16 **LÖNESC S.Candida de Roma**
18.00 def. Toni Frenademez, aniv.
def. Bruno Bonaldi
def.º Sepl, Mario y Raimondo Bernardi
- 04.10.16 **MERTESC S. Francësch d'Assisi**
18.00 degöna santa mëssa
20.00 Adoraziun dan le Santiscim
- 05.10.16 **MERCUI S. Anna Schaffer**
16.00 Corona en onur de Santa Maria
18.00 def.º Gualbert y Klara Schrott
def. Alex Valentini, aniv.
por les püres animes
- 06.10.16 **JÖBIA S. Bruno**
18.00 *Corona d'otober*
- 07.10.16 **PRÖM VÈNDRES S. Maria dl Rosare**
7.25 int. en onur de Sant Ujöp da Oies
def.ºs Albertina y Maria Bernardi
def.ºs Maria y Gusta Pescollderungg
- 08.10.16 **SABEDA S. Felize**
18.00 fam. Norbert Frenademez
def.ª Rosa Mutschlechner
vis y def. de Alma Valentini
- 09.10.16 **XXVIII DOMÈNIA DL ANN C**
FESTA DI IUBILARS DA NOZA
8.30 ad int. di iubilars
vis y def. de Barbara Dapoz



En jöbia y en vëndres de chëst'edema vëgnel porté la comuniun ales porsones amarades.

VITA DLA CÜRA

Al é indo passé le maiú laur y orun indo se tó n pü' plü dlaurela da perié y rengrazié Chël Bel Dî y nosta Uma dl Cil: fajun chësc cun l'oraziun che ëla instëssa se á damané y che la Dlijia á dagnora dër racomané. la pur l'edema é l'mercui dales 16.00 y la jöbia dales 18.00 te dljia la corona. Grups y uniun sciöche ince porsones sigoles é indo inviá a daidé para. An pó se porté ite tla lista a desposiziun te colonia.

Les mius aodanzes



En domènia, ai 25 de setèmber á ciafé le **Sacramënt dl Bato** le pice **Ian** de Karin Pescoll y Gerold Amort, le pice **Mattia** de Alessandro Bonfanti y Francesca Colle, la picera **Annamaria** de Elsa y Martin Fressel y la picera **Noemi** de Maddalena y Andy Schäfer. Ai pici che un podü tó sö cun ligrëza te nosta comunité y a sües families les mius aodanzes.

Les mius aodanzes



En mercui, ai 5 de otober complësc **Maria Mersa** la bela eté de **89 agn**. La comunité da La Ila ti aoda les mius aodanzes, la sanité y la benedisciun de nosc Signur Idî.

Les mius aodanzes



En sabeda, ai 24 de setèmber se á uní tl **sacramënt dl matrimone Sofia Granruaz cun Antonio Petit Sariol**. Ai nüs maridá ti aoda la comunité da La Ila les mius aodanzes y la benedisciun de nosc Signur Idî sö tru de süa vita.

Preparaziun ala crejima

I geniturs di crejimanc se incunta en **lönesc**, ai 3 de otober dales **20.00** te colonia basite por organisé deboriada l'tru de preparaziun. Al é important che **DÜC** sides presënc!

Lites dl consëi de cöra

Do la prelita stada l'edema vëgnel inant chirí desperatamënter candidac che se mëtes a desposiziun por ester n grado de tign la lita. Les porsones che oress se mëte a desposiziun é inviá da tó sö contat cun siur degan o cun val'mëmber dl consëi da sëgn. **(cina en domènia che vëgn)**

N gran giulan!



Iubileum
Consacraziun Dlijia da La Ila
1516 - 2016

...por la dlijia de nosc païsc consacrada dan da 500 agn y la presënza de Gejú Crist inanter nos!
N giulan al comité dla festa de iubileum (Angel, Armin, Giusy y Elisabeth) che á salpü da cherié i contignüs y baié cun les dërtes porsones por i realisé. Giulan ala Elisabeth y a siur Ulrich por la broscira dla festa cun informaziuns y fotografies dër interessantes. Giulan al cor de dlijia cun so orghelist y dirighënt, ala musiga, ai portaconfaruns y bandires, ales ëres en troht y quant da zacan por le tonn particular che duc ti á dé te söa manira ala festa. Giulan ala Loise por i ciüfs y a Hubert por le bel alté ch'al á fat te chësta ocasiun. Giulan ala maestra de religiun y ai scolars por so impëgn da iluminé la scora, fá de bi ciüfs, fá i ministranc y spo a chi che á arjigné i palons da lascé joré sö al cil. Por le

buffet y la marëna rengrazi dantadöt l'uniun dles ëres cun Agnes, l'uniun di ustis cun Markus y Roberta che á organisé les speziaries (giulan a duc chi che á porté val') y s'á cruzié de abiné ingröm de porsones a arjigné ca, tène sö y a sorví. Giulan al Hotel Tamá che á fat les lasagnes, ai pec por i strudli, ala Majun por la panna cotta y al Franco por la bela decoraziun. De valüta é dagnora la pert dla documentaziun, porchël n gran giulan al fotograf Freddy, ala stampa y ala televijiun. Giulan por le curs da depënje, l'iluminaziun dles ciases, le conzert sacral, la zelebrazion dla parora cun le cor Mission, a Arnold por la sciagoma dla dlijia, ai jogn por l'animaziun di mëndri do marëna, por duc i laurs che i stödafüch á soratut fajan ince le bel 500 tl pré da Cianins y por vigni ater pice scüf nia odü... Giulan al ombolt, ala junta de comun, ala fraziun, ala provinzia, ala Claudia responsabla dla proietaziun y coordinaziun di laurs, ales dites che á fat i laurs te y defora de dlijia y al Baldo y ai lauranc de comun por i laurs de abelimënt y romené sö. Giulan ales banches Popolara, Raiffeisen y dl Sparagn por so contribut y a duc i atri sponsors che n'ó nia gní nominá. Y inultima – por ti dé plü pëis - de cör giulan a nosc Vësko, a siur degan y ai proi conzelebranc por la solenité dla s.mëssa, les oraziuns y les parores adatades a chësta ocasiun.

Al é sté na festa de comunité garatada, viüda tla valüta dl tigní adöm, dl ester pert de val'uniun, dla desponibilité positiva a se lascé savëi bel y fá para. Porchël n giulan de cör a döta la comunité (a vignun y vignöna de os!) por chësta profesciun de fede, che unësc le past dla ressozeziun zelebré te dlijia cun la vita da vigni dé defora de dlijia!

(Lois, presidënt dl Consëi de cöra)